

20110451207

L I G J
PËR GARANCI TË REPUBLIKËS SË MAQEDONISË NDAJ DETYRIMEVE NGA
MARRËVESHJA PËR HUA, TË DEDIKUAR PËR FINANCIMIN E PROJEKTIT
"PARKU I TURBINAVE ME ERË BOGDANCI", QË DO TË LIDHET NDËRMJET
BANKËS KREDITORE PËR RINDËRTIM - KfV DHE SHA ELEM

Neni 1

Republika e Maqedonisë e garanton përmbushjen e detyrimeve dhe plotësimin e dispozitave të Marrëveshjes për hua, që do të lidhet ndërmjet Bankës Kreditore për Rindërtim - KfV, dhe SHA ELEM për projektin "Parku i turbinave me erë Bogdanci" në shumë prej 32 900 000 eurosh, në afate dhe kushte të parapara në Marrëveshje për hua, nëse SHA ELEM nuk i përmbush dhe servison detyrimet e Marrëveshjes për hua.

Neni 2

Kushtet dhe mënyra e shfrytëzimit të huas nga neni 1 i këtij ligji, përcaktohen me Marrëveshje për hua, që do të lidhet ndërmjet Bankës Kreditore për Rindërtim - KfV dhe SHA ELEM për projektin "Parku i turbinave me erë Bogdanci".

Neni 3

Të gjitha detyrimet që dalin nga Marrëveshja e huas nga neni 1 i këtij ligji, si dhe servisimin e huas do ta kryejë SHA ELEM nga të hyrat që i realizon, në afate dhe kushte të përcaktuara në Marrëveshje për hua.

Neni 4

Afati i pagesës së huas nga neni 1 i këtij ligji është 12 vite, me grejs periudhë të përfshirë prej tre vitesh.

Shkalla e kamatës është shkallë fikse e kamatës dhe e njëjta në mënyrë plotësuese do të përcaktohet dy ditë para nënshkrimit të marrëveshjeve.

Huaja do të paguhet në dy këste gjysmëvjetore që arrijnë për pagesë më 30 qershor dhe 30 dhjetor.

Neni 5

Para tërheqjes së parë të mjeteve të huas i paguhet provizion i njëhershëm Bankës Kreditore për Rindërtim - KfV, në shumë prej 0,5% nga shuma e huas.

Për shumën e mjeteve të patërhequra të huas në nivel vjetor i paguhet provizion Bankës Kreditore për Rindërtim - KfV, në shumë prej 0,25% nga shuma e huas.

Provizionin nga paragrafi 2 i këtij neni paguhet në gjysmëvjetor edhe atë më 30 qershor dhe 30 dhjetor të çdo viti.

Për detyrime lidhur me huan që nuk do të paguhet në afatet e parapara, do të paguhet kamatë ndëshkuese në lartësi të shkallës themelore të kamatës në Bankën Qendrore të RF të Gjermanisë, të rritur për 3% në vit.

Në rast të tërheqjes jo në kohë ose të pjesërishtme të mjeteve të huas deri në afatin e paraparë, do të paguhet shumë e caktuar e mjeteve si kompensim për shpenzimet e Bankës Kreditore për Rindërtim - KfV, në bazë të marrëveshjes nga neni 1 i këtij ligji.

Neni 6

Për rregullimin e të drejtave dhe detyrimeve të ndërsjella, që dalin nga Marrëveshja për hua dhe Marrëveshja për garanci, Ministria e Financave dhe SHA ELEM obligohen që të lidhin marrëveshje të veçantë.

Neni 7

Ky ligj hyn në fuqi në ditën e botimit në "Gazetën Zyrtare të Republikës së Maqedonisë".